

Na osnovu člana 34. Zakona o izvršavanju Budžeta za 2015. godinu („Službene novine Zeničko-dobojskog kantona“, broj: 02/15) i člana 137. Zakona o socijalnoj zaštiti, zaštiti civilnih žrtava rata Zeničko-dobojskog kanton („Službene novine Zeničko-dobojskog kantona“, broj: 13/07, 13/11, 03/15), Zeničko-dobojski kanton – Ministarstvo za rad, socijalnu politiku i izbjeglice, raspisuje:

JAVNI POZIV
za prikupljanje prijedloga projekata radi dodjeljivanja sredstava za finansiranje i
sufinansiranje projekata povodom obilježavanja „Dječije nedjelje“
u Zeničko-dobojskom kantonu u 2015. godini

I. Predmet javnog poziva

Javnim pozivom prikupljaju se prijedlozi projekata radi dodjele sredstava za finansiranje i sufinansiranje projekata za obilježavanje „Dječije nedjelje“ u 2015. godini, a u svrhu preduzimanja mjera i akcija za unapređenje zaštite i brige o djeci na području Zeničko-dobojskog kantona.

II. Pravo učešća

Na Javni poziv mogu se prijaviti pravna lica, odnosno: jedinice lokalne samouprave, ustanove socijalne i dječije zaštite, kao i udruženja i fondacije (u daljem tekstu: Korisnici) čije su programske aktivnosti usmjerene na unapređenje zaštite i brige o djeci sa područja Zeničko-dobojskog kantona. Prilikom razmatranja, prednost će imati prijedlozi projekata zasnovani na partnerstvu vladinog i nevladinog sektora.

Prijedlozi projekata Korisnika koji nisu dostavili izvještaje o realizaciji ranije dodijeljenih kantonalnih budžetskih sredstava neće biti uzeti u razmatranje.

III. Namjena

Pravo na korištenje sredstava mogu ostvariti Korisnici čiji se projektni prijedlozi odnose na:

1. pružanje podrške porodicama sa djecom (sa naglaskom na djecu bez roditeljskog staranja i porodice u riziku od razdvajanja, djecu ometenu u fizičkom i/ili psihičkom razvoju, višečlane porodice sa djecom i dr. marginalizovanih grupa djece) koje se nalaze u stanju socijalne potrebe;
2. promotivne, edukativno-zabavne i dr. aktivnosti o značaju primjene Konvencije o pravima djeteta.

Sljedeće aktivnosti neće biti finansirane putem Javnog poziva:

1. Projekti čija se realizacija planira izvan Zeničko-dobojskog kantona ili je usmjerena na zadovoljavanje ličnih interesa pojedinaca;
2. Kupovina opreme koja nije neophodna za realizaciju projektnih aktivnosti;
3. Retroaktivno finansiranje već realizovanih aktivnosti.

IV. Potrebna dokumentacija za učešće na Javnom pozivu

Uz popunjen prijavni obrazac br. 1, podnosilac treba priložiti prateću dokumentaciju kako slijedi:

1. Rješenje o upisu u registar pravnih lica kod nadležnog organa - ovjerena kopija,
2. Identifikacioni broj - ovjerena kopija,
3. Bilans stanja i uspjeha za prethodnu godinu – ovjerena kopija,
4. Ovjereni bankovni račun uz potvrdu o solventnosti računa,
5. Uvjerjenje o izmirenim poreskim obavezama izdato od strane nadležne poreske uprave,

6. Popunjeni obrazac 2, ovjeren i potpisan od strane Korisnika,
7. Izjava da podneseni prijedlog projekat nije dobio sredstva po osnovu konkursa drugih ministarstava Zeničko-dobojskog Kantona, ovjerena od nadležnog organa,
8. Ukoliko je u pitanju sufinansiranje projekta, potrebno je dostaviti dokaz o visini finansijskog učešća u realizaciji projekta, iz vlastitih sredstava ili drugih izvora finansiranja izuzev kantonalnih budžetskih sredstava,
9. Ukoliko će se projekat realizovati u saradnji sa drugim ustanovama/organizacijama, potrebno je dostaviti Sporazum o partnerstvu, ovjeren od strane svih partnera.

V. Kriteriji za ocjenu programa

Kriteriji za ocjenu projekata su:

- doprinos projekta ostvarenju namjene obilježavanja „Dječije nedjelje“ (do 5 bodova),
- unapređenje usluga socijalne zaštite i zaštite porodice sa djecom na području Zeničko-dobojskog kantona (do 5 bodova),
- očekivani rezultati i efekti predloženog projekta (do 5 bodova),
- predloženi partnerski pristup u realizaciji projekta (do 5 bodova),
- sufinansiranje projekta iz sopstvenih i iz drugih izvora (do 5 bodova),
- ažurnost i kvalitet izvještavanja za ranije podržane projekte za obilježavanje Dječije nedjelje (do 5 bodova).

VI. Podnošenje projekata

Prijave na Javni poziv, sa potrebnom dokumentacijom definisanom ovim Javnim pozivom, potrebno je dostaviti u zatvorenoj koverti na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica, Bosna i Hercegovina

Sa obaveznom naznakom: „Ne otvarati – Prijava na Javni poziv za prikupljanje prijedloga projekata radi dodjeljivanja sredstava za finansiranje i sufinansiranje projekata povodom obilježavanja „Dječije nedjelje“ u Zeničko-dobojskom kantonu“.

Javni poziv sa pripadajućim obrascima bit će objavljen na službenoj web stranici Zeničko-dobojskog kantona (www.zdk.ba) i u Dnevnom avazu. Rok za prijavu je 20 dana od dana objave ovog Javnog poziva.

Nepotpune i neblagovremene prijave neće biti uzete u razmatranje.

Odluka o odabranim projektima objavit će se na službenoj web stranici Zeničko-dobojskog kantona (www.zdk.ba).

Sve dodatne informacije o načinu i postupku učešća u Javnom pozivu, mogu se dobiti u Ministarstvu za rad, socijalnu politiku i izbjeglice Zeničko-dobojskog kantona ili putem telefona 032/460-688.